

Matthiæ Leij, Artullarij vbij
K. GERMANI,
LIBER
DE TRIUMPHATA
BARBARIE.
IOH. MEYDTERVS

1070. 65

2



Anno Domini 1621.

Ad criticum Lectorem.

TV, qui hæc Astrææ trutinanda bilancibus, aut qui
Censoris genij more legenda petis,
Qualia, non quot sint; iusti memor accipe iudex:
Si bona, multa satis; si mala, multa minis.



*Matthiae Leij, Aruillarij
vbij Germani.*

LIBER
DE TRIVMPHATA
BARBARIE.

Bella cano, quæ cade vacant, quæ pace triumphant,
Quæ populos ditant, quæ fera monstra domant.
Bella cano, quæ sunt Phœbiq; nouemq; sororum,
Contra Barbariem non leue Martis opus.

Vos mea Pegasio perfundite labra liquore,

Vos, quibus alati fons habitatur equi.

Vt vestra dignum moduler virtute triumphum,

Vt vestro dignum Marte poëma canam.

Est fera, quæ humanam non exprimit indole vitam,

Nec mores, qui sunt pectoris ingenui.

Nomine Barbaries, tutela tyrannidis, ora

Incola Tartarea, filia desidiæ.

Crispatis hirsuta pilis, hirsuta capillis,

Aspectuq; ferox, & truce voce minax.

Omibus horribiles quæ corporis induit artus,

Turpia monstrosa pondera molis obit.

Olli nec ratio, nec mens, nec sensus in usu,
 Vlla nec est artis mica, nec vlla salis.
 Deniq, tota furens rabie canis instar, & vrsa
 Omnia Virtutum nomina persequitur.
 Huic Phœbus, diuæq, omnes, quas nomino Musas,
 Ardua Parnasso bella creante mouent.
 Classicum Apollo canit certaminis author, & ortas
 A Ioue germanas aptat in arma deas.
 Iusta, Citheriades, nobis sunt bella, sorores,
 Inquit, in immanem suscipienda feram.
 Hac est Barbaries vel tigride sauior, hac est
 Bellua, cui Lybia non habet ora parem.
 Hac est, quæ est Stygias patriam sortita paludes,
 Et quos Eumenides nostis habere lares.
 Hac est desidiæ soboles, cacodæmonis hospes,
 Stultitia pariter nequitiaq, parens.
 Hac in mortales odijs grassatur, & iris,
 Inq, immortales impietate deos.
 Hactenus hac alibi nostros vitiauit honores,
 Quasq, in thesauris artis habemus opes.
 Iam volet his nostris quod asylon habemus in aris
 Tollere, & à nostris nos remouere sacris.
 Templa profanabit, templa hæc Parnassia, si non
 Quod facit hæc veniens impediamus iter.
 Ast ego non patiar tam horrendi Barbara monstri
 Nomina in hac nostra nos violare domo.
 Vos mecum certate deæ, pugnate Camœnæ;
 Tam bona communi causa iuuetur ope.
 Dux ego vester agam, ut mea tela sciatis habere
 Robora in illius perniciofa caput.
 Est mihi multarum diuina potentia rerum,
 Quæ vario varium nomine munus obit.

Phœbus.

Quæ

Qua plus quàm humano Sapièntia pollet honore,
 Est sub tutela salua salute mea.
 Ars, quæ lætitiæ comes est, & amica iuuentæ,
 Musica honore sui me scit ouare dei.
 Apto subinde suis arcum tendendo sagittis.
 Venatrix me vult sponte Diana sequi.
 Primus & inuenti sum carminis author, & author
 Inuenior medica primus in arte rei.
 Cuncta meis totam radijs illustro per orbem:
 Totus ab hoc vitam lumine mundus habet.
 Artes arte regens, & Martem Marte gubernans,
 Me sine Martis inops Pallas, & artis erit.
 Omnia vaticinor, quæ sunt ventura, quòd omnis
 Res sit notitia prestò futura mea.
 Ne mea perpetuo priuetur honore potestas,
 Semper ero vestri duxq; caputq; chori.
 I nunc, Barbaries, & si potes, arma retracta,
 At scelerata meo sub pede trita jaces.
 His ego, germana, remoror conatibus hostem,
 Nec sino directis huc properare vijs.
 Vos illam vestro iam nunc Mauorte petitam
 Debellate noua robore militia.
 Hoc ut Apollo suas monuit clangore sorores
 Æmula in aduersam promere tela feram.
 Prima nouenarum CLIO, seniorq; sororum,
 Tali est fraternos ore secuta sonos:
 Iussis, Phœbe, tuis nos his parere videbis,
 Et tua nos animo castra lubente sequi:
 En ego sum CLIO, cuius virtutibus impar
 Cætera Castalidum numina numen habent.
 Nominor actarum custos fidissima rerum,
 Et lux, æterni filia prima Dei.

Clio.

Quicquid in humanis geritur memorabile rebus
 Non sino fatalis monstra videre vicis.
 Vindico ab interitu magnorum nomina regum,
 Et quæ per claros parta fuere viros.
 Annales, fastiq; mei transacta reducunt.
 Tempora cum statibus singula quaq; suis.
 Me duce prudentes prauisæ pericula vitant,
 Et quæ sectantur me duce tuta vident.
 Deniq; nostrorum monumenta æterna laborum,
 Erudiuntq; homines, erudiuntq; deos.
 Si quid in hoc vita, famæq; reliqueris hoste,
 Hoc ego in historiam non sino stare meam.

Melpomene.

MELPOMENE Tragici famosa tumultibus hædi,
 Sic ait ad primam diua secunda deam :
 Quamuis nosse velis gestarum oracula rerum,
 Et graue suprema nomen habere deæ,
 Es tamen orta mei, soror, ex virtute cothurni,
 Quo mea te pariunt more theatra petunt.
 Nostra potens gemini virtute Tragoedia scuti
 Vincit ab historicis arma petita fabris.
 Quamuis in nostris agat inconstantia ludis,
 Et Proteus Tragica detur origo scholæ,
 Natura tamen vlla mea mutatio non est :
 Sum dea, quæ certis ambulo firma vijs.
 Personas fortuna meas leuis excipit omnes,
 Nec sinit esse mea cum gravitate graues.
 Induit instabiles dubia sub imagine vultus,
 Et secum varias cogit obire vices.
 Prima quidem letis exultat scena triumphis,
 Vltima tristitiam fæta dolore parit.
 Illa ego sum, quæ hominem doceo reuerentiùs vti
 Fortuna, & dubiæ non inhiare spei.

Effectus histo-
 ricus præsup-
 ponit Tragi-
 cum.

Barbara si finem mens premeditata fuisset,
Iam per lethalem non foret agra luem.

Quae mihi concedunt, prima sunt pramia palma.

Laus mea de primi prodiit honore loci.

Comica, quae cum humili sequitur sermone, THALIA Thalia.

His ad Melpomenen vocibus usa venit :

Ad me me leuibus, serar, indua pulpa soccis,

Vt doceam mores sub lenitate graues.

Si quandoq; meis contraria moribus audis,

Audis quae nullis sunt imitanda bonis.

Trado quid ingenuas formet cum ciuibus vrbes,

Quid iuuet agrestes, promoneatq; damos.

Monstro quid uxori sit honestum, & turpe marito,

Quid deceat iuuenem, dedeceatq; senem.

In Domini Imperium, seruiq; cachinnar in astum,

In natum facilem, difficilemq; patrem.

Per me formatos cum nominis indole mores

Emula cordata filia matris habet.

Ne vel herae videar, vel serua addictior, aqua

Ambabus leges conditione fero.

Sapius ad lepidum spectantes prouoco risum

Comiter Urbanos mima professa jocos.

Sapius ambiguo promiscua prodio vultu,

Dimidioq; mei, dimidioq; tui.

Principium sentit nonnullos triste dolores,

Finis habet plena gaudia letitia.

Quae sua Threicijs componit cantica neruis,

TERPSICHORE in laudes sic fuit orsa suas :

Terpsichore.

Quae mihi debetur, primo stat in ordine sedes,

Primaq; in hoc nostro sunt mea iura choro.

Quum digitis diuina meis testudo feritur

Auditur lecti Musica chorda soni.

Barbita,

Barbita, quæ passim exhilarant hominesq; deosq;
Sunt solo ingenij digna labore mei.

Excitus ad citharæ, vocisq; iuamina nostræ
Saltat Hamadriadum, Naiadumq; chorus.

Quum mea festiuis demulceo nablia palmis,
Frango in spiritibus corda maligna malis.

Quæ chelys est nostri fratris recreatio Phœbi
Gaudeat inuenti nomen habere mei.

Ne noceant infesta mihi cantare volenti,
Barbara monstra mea mitigo voce lyra.

Euterpe.

Musa per inflatas EUTERPE turgida buccas
Hoc petit Orpheam mordicus ore deam:

Si, quantum in lingua, tantum in virtute valeres,
Te, soror, inferior, deteriorq; forem.

Musica, quæ Martem accendit, tua filia non est,
Sed mea, de genij numine nata mei.

Quæ ciet horrendam imperterrita bucciua pugnam,
Me venerata suam iure fatetur heram.

Dum lituo resonante meo ruit hostis in hostem
Non metuit, quamuis triste sit, ense mori.

Quando cruenta suis Mauorti quaritur armis
Plaga fit ad nostram cassa dolore tubam.

Quæ fit ab utriculis fit nostræ dotibus artis,
Quamuis sit rabidis vox inimica lupis.

Cantu sæpe suo mea me recreare laborat
Fistula non paucis apta foraminibus.

Quum sonat inflato vocalis tibia cornu,
Tibia vocalis non nisi nostra sonat.

Quod potis est summo laudes cantare Tonanti,
Non est vile meæ cymbalon artis opus.

Caudata meus est sonus in sartagine quando
Cum Nisa choreas coninge Mopsus agit.

Si quandoq; meis careant tua plectra cicutis,
 Iustis harmoniæ partibus orba carent.
 Nomen habens ERATO cunctis optabile Musis,
 Non vult iura sui sexta vocare loci.
 Quin, ego cum primis, inquit, me colloco diuis,
 Me natura mei summa parentis amat.
 Omnia cunctarum commercia mutua rerum,
 Quæ sunt per numeros discutienda, rego.
 Singula distinctis discrimino corpora formis,
 Inq; recepta suis cogo manere locis.
 Equora litoribus, fluuiosq; coërceo ripis,
 Et flo cum immotis ad pigra stagna vadis.
 Omnia sub numeris elementa suapte laborant
 Sponte per alternas se renouare vices.
 Ver floret numeris, numeris se perficit Aestas,
 Omninoq; omnes huius, & huius opes.
 Ad numerum Autumnus vinosas educat vuas,
 Et sensim ad numerum nata ferocit Hyems.
 Quod primum in motu est numerorum mole mouetur.
 Nascitur ex numeris tempus, & hora meis.
 Ardua per numeros spaciosi machina cæli
 In medio gemini voluitur axe poli.
 Per numeros est nota rei cuiusq; capedo,
 Et quod rem qualem, quam notat, esse facit.
 Enthea mensuris numerosis cognita Mens est,
 Mens, quæ vix alijs est adeunda vijs.
 Me sine tota ruens natura creata rediret
 In rerum antiquum, semina prima, chaos.
 Barbaries numerat per me tot vulnera, quot sunt
 Artes, quas numeris constat egere meis.
 CALLIOPEA, suæ veneranda poëtria secta,
 Eleuat has omnes, attenuatq; deas:
 Et mea sunt, inquit, potius, quam vestra, sorores,
 Arma, quibus morti Barbara vita datur.

Erato.

Calliope, siue
Calliopea.

Carmina in historicis habeo sublimia rebus,
 Inq̃, cothurnato grandia metra pede.
 Comica scena mei secum modulamina plectri,
 Cæpit ad ingenuas ferre magistra scholas.
 Quos Erato numeros habet omnibus incuba rebus
 Gaudeo cum numeris fædus inisse meis.
 Qui canit igniuomas, cælestia lumina, stellas,
 Donec erunt stella noster Aratus erit :
 Sæpe suo Rhetor sapit in sermone pœsin;
 Versibus Orator sæpe disertus ouat.
 Vatis in ore suam Virtutis gloria famam
 Ponit, fama suam vatis in ore tubam.
 Hostis ubiq̃, graui percussa pœmate flet, quod
 Tam sit in hoc miles Marte Poëta potens.

Vrania.

VRANIA ex imo promens suspiria corde,
 Prodit pacificæ conscia signa dex;
 Et, vobis cum, inquit, rixari nolo, sorores,
 Quin contenta mei sum statione loci.
 Felices animæ, quæ mecum scire laborant
 Omne, quod ætherei scitur in orbe globi.
 Quas humeris stellas, quæ sydera maximus Atlas
 Sumit, ego ingenio sumo gerenda meo.
 Sunt mihi cum æterno immortalia nomina cælo,
 Et cum supremo patria tecta Ioue.
 Debita crudeli sua mors dominabitur hosti,
 Donec in Vrania vita superstes erit.
 Ordine Castaliæ postrema POLYMNIA turbe,
 Attamen eloquiū prima lepore sui,
 Hac, ait, in causa pro me pugnabo, sorores,
 Et faciam quod vos queritis esse meum.
 En ego Rhetorica, oratricis acinace, lingua,
 Bella gero, suadæ fons, & origo dex.
 Gestibus & verbis pariter cum nutibus vtor,
 Et quasi totius corporis ore loquor.

Polyhymnia,
 seu Polymnia.

Liber de triumphata Barbarie.

*Omnia muto meis orantis in omnia dictis ;
Non est quæ arbitrio sit mala causa meo.
Suscito monstri fera miracula voce loquela,
Et Iouis officium, cuncta creantis, ago.
Me dicente nouis surgunt noua corpora formis,
Et rerum facies antè creata perit.
Terra parit stellas, frutices, & gramina cælum,
Humor inest flammis, flammeus ardor aquis.
Quos volo possum animos in utramq; inflectere partem,
Me mea Flexanimam vis facit esse deam.
Barbariem sermone petens quasi fulmine sterno,
Inq; acie primas gloriore esse meas.
Quum facunda loqui Polyhymnia desit, & quum
Ora quater gemina continuere dea,
Phœbus ad armatas irata bile Camœnas,
Et ducis, & fratris more locutus ait :
Nunc inhibete animos, hostilia corda. seueros,
Nunc graue magnanimi ponite Martis opus.
Hostis in his nostris deleta est Barbara castris,
Noster in hoc victor Marte triumphat honor.
Omnibus est vobis par in certamine virtus,
Altera in alterius robore robur habet.
Nulla subest ubi nulla præest, ubi circulus omnes
Nectit, & aequali donat honore chori.
Posthac Parnassus plures victoris honores,
Plura, triumphantis signa, trophæa geret.
Quando hæc verba suo de pectore pacis amator,
Protulit in litem nulla relapsa fuit.
Ast pepigere omnes renouati fœdus amoris,
Mutua porrectis fixa per oscula genis :
Et cœpere vagas circumgyrare choreas.
Et vario harmonicos ore sonare modos.
Iure potestatis Phœbus sedet inter ouantes,
Et regit eternas fratris amore deas.*

Scientiæ sunt
æternæ.



AD CANDIDVM
LECTOREM.

M Agnam horum epigrammatum meorum partem, candide lector, ad quinque libros de *Regina Pecunia*, per me conscriptos referendam esse velim scias. Nolim insuper tibi reliquam esse occasionem admirandi, qua de causa elucubrationis meæ laboribus simul omnibus publici iuris beneficio vtendi fruendi potestatem non faciam? Vniuersum opus flagitat ingenuæ indolis genium, promptæ, & quasi spontaneæ voluntatis Mecænatem. Inuito non vult obtrudi. Renuit frequentare habitaculum ingratitudinis. Non dignatur esse domesticum inhumanitatis. In turpes auaritiæ sordes inuehitur. Euehit encomijs honestos liberalitatis mores. Quapropter tunc demum lucis erit alumnum, quando anima Munificentiaë vltro assumpserit adoptiuum quod omnibus seculis futurum seruum ex vtero intellectus mei procreatum est liberum.

Vale.

Liber



Liber Epigrammatum.

MATTHIÆ LEIJ, Aruillarij vbiij
GERMANI.

REGINA PECVNIA
NVPTVI DATVR,

IACOBO PRIMO,
Magnæ Britanniaë
Monarchæ.

Q*ui fers Regali tres maiestate Coronas,
Indignus vidui conditione tori,
Sume, IACOBÈ, animos, spem conjugis indue, præsto
Est noua sexcentis sponsa petita procis.
Filia nostra tuum, Regina Pecunia, vultum
Quærit, & amplexum cogitat, optat, amat.
Te quasi magnetem sequitur, quasi Cynthia fratrem,
Litoraq; Albionis, litora pacis, adit.
Regibus è cunctis non est, cui nubere mavult,
Quam tibi, te solo digna marita viro.
O, te felicem, fortunatumq; maritum,
Ad quem Iuno suum fert diadema Iouem.*

Celsissimo Principi

CAROLO.

P Rinceps , ter gemini diadematis unicus haeres,
Cui Cambri dominum non habuere parem ;
Quòd mea gnata parat , Regina Pecunia , patri
Vxor adesse tuo , CAROLE , pone metum.
Pone metum, inuenta est sine prole futura nouerca,
Nempe sui cerebro nata Minerva Iouis.

Illustrissimo Marchioni
GEORGIO VILLERIO.

M Archio , sceptrigera clarissimus Hesperus aula,
Marchio , VILLERIAE , Phosphorus orde domus,
Hac mea progenies , Regina Pecunia , Regi
Nupturit optatis (ut reor) ominibus.
Haud leue quod titulis tibi iam virtute paratis
Momentum addideris , si Paranympheus eris.

Ad illustrem & generosum Dⁿ. FRANCIS-
CVM BACONVM , magnum Angliæ Cancellarium,
Baronem Verulamij , & Vice-comitem
Sti. ALBANI.

Q Vi decus es regni , moderator iuris , & equi,
Et generosa tui factus imago patris,
Qui noua proficuo scribens documenta labore,
Fax es Apollineæ non sine luce scholæ,
Vt longæua sui sit numinis hospita virtus,
Longa sit ingenio vita, BACONE, tuo.

Ad

Ad illustrem & generosum
Dⁿ. IACOBVM HAIVM,
Vice-comitem Doncastriæ.

TV cum fortuna pugnas in amore secunda,
O fortunatis annumerande viris ;
Illa sui census tibi soli destinat usum,
Sed tu solius non sinis esse tuum.
Tu cum sexcentis tua dividis, illa reunit,
Tu vel mille animas rursus habere facis.
Haie boni pariterq^{ue} p^{ri} Iouis amule sola
Victor in hac pugna Iuppiter esse potes.

Ad IOANNEM Secundum,
Qui olim Romanorum Imperatori
CAROLO QVINTO,
fuit à secretis Lat.

ORdo tuus non est, titulusq^{ue}, Secunde, Secundi,
Qui summo vatum principe digna canis ;
Qui dum castra tui sequeris diuina Gradiui
Fers sub Gradiuo me prior arma meo.
Quanta ego Matthias tibi sum ratione Secundus,
Tanta Ioannes tu mihi Primus eris.

Splendidissimo Equiti, Adamo Neutonio,
Principis Walliæ Quæstori.

ESt opus eternis eterno praside Musis,
Qui gerat Actiaco debita sceptrà deo ;
Qui norit qua sit liquor arte bibendus aquai,
Que cursim alati sub pede fertur equi.

Per

*Per quem Barbaries à nostra partibus ora
Pulsa Tomitanos occupet exul agros.
Quum tu hec, Neutoni, nostra sis omnia Musa,
Æterno dignus nomine præses eris.*

V. Cl. IOANNI MORAVO, Regi Britan-
niarum à Cubiculis.

*V*Ita ministerio virtutis regia gaudet,
Gaudet nostra tuo Musa patrocinio :
Esto patronus huic quo corde minister es illi,
Sic facies neutrum iure, Moraue, queri.

Admodum eximio Equiti, Iacobo Fullertone,
Principi Walliæ à Cubiculis,
& Consilijs.

*C*Um virtus, quæ vera viri constantis imago est,
Fullertone, tuum deseret ingenium,
Signifer à solita discedet tramite metæ,
Et sol conuersis retro meabit equis.

V. Cl. & Excellentissimo, Dⁿ. Thomæ Morano,
Cambrorum Principi à secretis.

*P*Principibus placuisse viris non vltima laus est,
Sed laus, quæ prima est, est placuisse Deo.
Qui laudes ab utraq; petit virtute sequatur
Quæ sequitur genius castra, Moraue, tuus.

Ad clarissimum virum,
Dⁿ. THOMAM RHÆDVM,
Regiæ Majestati à secretis Lat.

Mira quidem res est, quòd in omnibus vnus, & idem
In cælo, inq^{ue} solo, constituare plagis.
Mole sua Enceladus totam non occupat Ætnam,
Vixq^{ue} nouem Titius ingera vastus habet:
Tu maior cunctos animo te extendis in orbes,
Corpore susceptas non remorante vias.
Haud igitur peccet qui te vel ubiq^{ue} reponat,
Nam quemcunq^{ue} aptum dat tibi, Rhæde, locum.

ROBERTVS IVNIVS

ἀνὰ γέφυραν ἵβων &c.

Orta, Roberte, tuo lis est de nomine Parcis
Quum cæpisti aura vescier æthereæ.
Ne tamen hereret lis orta diutius, vna
Ex his, tu, Iuni, vir bonus, inquit, eris.

Ad clarissimum virum,
Dⁿ. PATRICIVM IVNIVM,
Regiæ Bibliothecæ Curatorem,
Roberti fratrem.

TV quoq^{ue} nobilium, Patrici, cura sororum
Omnibus optata ius bonitatis habes.
Tu, cui tres Charites nascenti præsto fuere,
Gratia, dicentes, hæc tua nostra fuit.
Quid mirum est, Iuni, quòd tu oderis acta maligni,
Tu, cui cuncta boni sunt data dona viri?

Clarissimo viro,
Dⁿ. IOACHIMO MORSIO,
de bonis literis non malè
merito.

Qui mecum Albioni peregrinus es antè receptus,
Iam sine me, Morfi, deseris Albionem.
I meus hinc animus, tibi summi rector Olympi
Dux sit, ego fido sum tibi corde comes.

Ad magnæ spei juvenem,
IACOBVM FETZERV.

Et virtutis amor, & honesta regula vita
Ardua sunt animi sollicitudo tui.
Hæc tecum peregrè proficiscitur, hæc petit omnes
Tecum Europæas irrequieta plagas.
Heu mihi quàm est hilares tecum visura Penates,
Si, Fetzere, tuo restituare Lari.

Ad nobilem iuriconsultum,
& philologum,
CORNELIVM PYNAKERVM.

Si nemo vatum, nisi qui de Cesare laurum
Obtinet, à lauro, & Casare nomen habet,
Scire velim causam, qua, Pynakere, poëtam
Tu me laurigerum, Casareumq; voces?
Tu, qui cordatus nihil imprudentis in ore,
Quod sapiat vanum, futilitatis habes.

*Tu, qui sola suis ea laudibus arbiter effers,
 Quae non Arcadicus Pan, sed Apollo canit.
 Tu, qui virgineum vates Heliconae secutus
 Alter in Orpheae factus es arte Maro.
 Tu, qui nequicquam minus es Cicerone disertus
 Quum tua pro miseris induis arma reis.
 Tu, qui bis denos iuris monumenta per annos
 Ausonio Themidis praece lepore doces.
 Tu, qui tot nosti, quot nostra Europa loquelas,
 Et tot vidisti, quot videt illa, plagas.
 Tu, qui vexillum quondam vel tyro gerebas,
 Inq, hostem aduersus Martis alumnus eras.
 Tu, tu, qui tot habes, quot in vna mente locari
 Possunt virtutes, quas voco mentis opes.
 Te puto, cui Comitibus decora omnia, & omnia cedunt
 Iura Palatini, Principe dignus honos.
 Deniq, te, qui me lauro facis immortalem,
 Quiq, mihi aeternum Caesaris instar eris.*

*De lauro, & libanoto, seu rore marino, ad
 Ioannem Campium, & Ioannem Bockhorstium,
 Groninganos Belgas, viros optimos.*

*Laurus ter superat rorem virtute marinum;
 Ros maris est lauro terq, quaterq, minor.
 Laurus in arborea disponitur ordine planta;
 Ros maris in fruticis conditione manet.
 Laurus fert hyemem cum saevo Aquilone ferocem,
 Ros maris est tanti frigoris impatiens.
 Laurus Musarum decus est, & Apollinis ardor,
 Ros maris est Veneri sacrificantis amor.*

Non maris est roris, sed lauri manus, ut ornet
 Casareumq; caput, Casareumq; statum.
 Nemo coronatur bene roris poeta marino,
 Frons lauri melius tempora vatis obit.
 Laus mea laurus erit populis aeterna Latinis.
 Donec erit laurus laus mea laurus erit.

Ad tyronem, qui facit tyrocinium in
 castris Musarum.

TV, qui Castaliae novus induis arma palaestrae
 Miles, & Aonia pars cupis esse scholae,
 Quare quod in summo Parnassi vertice bellum
 Sacra Caballini numina fontis habent.
 Non ob Amazonias est formidabile peltas
 Quod sit Apollineae robore militiae.
 Deniq; tyro, tuam, Musarum, & Apollinis hostem,
 Gaude Barbariem Palladis arte mori.

Poeta dimittit suos libros, qui sunt ei
 loco liberorum.

ITe mei nati, vestri vos temporis usum,
 Et ius, quod ius est lucis, habere volo.
 Ite per humani vestigia blanda fauoris.
 Ite, suos atas haec vocat, ite, duces.
 Vos sale conspersos mitto sapientibus, ite:
 Non sapit insulsa salsa culina gula.
 Qui petit ambrosiam vestri capietur amore,
 Et qui vulgares non solet esse dapes.
 Ite foras, sapiens vos non remorabitur (is, qui
 Momum agit, est is, qui non sapit) ite libri.

Ad Zoilum.

Liuor, qui vana virtutem corripis ira,
 Qui vomis in nivos atra venena libros,
 Desine vatis opus nullis violabile telis
 Carpere, nullus ei, desine, liuor, obest.
 Carpe quod est fatuus lasciu lusus amoris,
 Multis amissa causa pudicitiae.
 Carpe quod ingenium cacodemonis arguit, & quod
 Multos in Barathrum perditionis agit.
 Sed cur verba, tibi non proficientia perdo?
 Cur, velut Aethiopem, te sine fruge lauo?
 Dente professorem veri mordace laceassis,
 Et tua curantem vulnera ferre nequis.
 O hominis monstrum, o vacuum ratione cerebrum,
 O dignum ellebori sorbitione caput.
 Nemo, qui melius releuatus habere laborat,
 Prudenter medicam negligit ager opem.
 Nemo animi bonitate sui de more probatus
 Sana salutiferi despicit ora Dei.
 Displicet ergo tibi duntaxat, Zoile, soli,
 Quod placeat cunctis hac mea cura bonis.

Ad eum, qui virginum prudentium coctui
 aggregari desiderat.

Non homo, sed Deus est hoc in sermone propheta,
 Et proba veracis munera vatis obit.
 Qui sapis illi ambas aduerte fideliter aures,
 Et quod ab illo audis fac sapienter agas.

*Ad flagitiosa Reginae Pecuniae
mancipia.*

Quamuis emeritos superetis Nestoris annos,
Et cunctas mundi possideatis opes,
Est tamen, in vestram qua sauiat aspera vitam,
Quaeq; ad vos tristem deferat hora necem.
Hac est, qua ex dulci vobis fit amara, quod ausit
Omnibus à vestris vos remonere bonis.
Hac est, qua irato vos corripit ore, quod aequo
Sistat iudicio vindicis hora Dei.
Vos puto, quos nutu Regina Pecunia, tanquam
Serniles animas, imperiosa regit.
Quos crudelis opum, scelerumq; licentia formis
Exuit humanis, & facit esse feras.
Vos, quibus aeterni debetur pæna flagelli,
Et mala, quæ secum mors sine fine trahit.
Quos vstrina suis grauiter cruciatibus vret
Hic ubi Cimmeria nubila noctis agunt.
Quos mens vipereis infestat morsibus, & spe
Desperante grauis torquet ubiq; metus.
O plus quàm humanis, & non mortalibus aptum,
Qui norit dominas temnere diuitias.

Poëta de semetipso ad curiosum lectorem.

Quos mihi nupta creet Regina Pecunia mores,
Tu, qui scire lubens me merente voles,
Mutum scito lupum me conspexisse priorem
Quando relaturus quod petis orsus eram.
Qua cum de causa nequeam me prodere, tu me
Prodito, & ingenij, si sapis, esto mei.

Regina Pecunia de semetipsa
ænigmaticè.

R Es ego sum muta, surdaq; simillima Vesta,
Et cunctis viua sensibus orba rei.
Nulla mihi est ratio, qua mentis in arce triumphet,
Qua; sit arbitrij, iudicijq; parens.
Non caput est, in quo diadema gerentis honorem,
Nec manus est, in qua regia sceptrum feram.
Non est inuictis cum diuis vlla potestas,
Nec vis, qua humano regnet in imperio.
Sum regina tamen mortali credita vulgo,
Qua quasi nupta Ioui cum Ioue cuncta regam.
Qua velut humana incantatrix maxima turba
Pectora peruertam, fanda nefanda patrem.
Qua; meo muter vel multo crebrius astu,
Quàm dea, qua varia ludit in orbe rota.
Iure meum nemo tamen ausit rodere nomen,
Vlla vel in famam cudere damna meam.
Naturæ vi sponte mea gero subdita morem
Gnauiter officij munere functa mei.
Hinc quoties habita vilescio nomine serua
Pareo prompta bonis, pareo prompta malis.
Nulla, profectò, meis accommoda moribus ars est,
Qua sit vulpini more maligna doli.
Non ego commisi sum cuiquam criminis author;
Non ego damnato sum sua causa reo.
Nulla mihi est leuitas, animi inconstantis imago,
Nec mea quid grauitas improbitatis habet.
Deniq; credar homo, si quo arguar improba facto;
Si lenis, humana sim lenitate leuis.

*Ad pecuniosum,
De ordine, usu, & utilitate quinque librorum de
Regina Pecunia per me conscriptorum.*

Lib. 1.

Quam sit in humanis Regina Pecunia rebus
Res levis, haud vulgi more poeta cano.

Lib. 2.

Et quam sollicita tentetur ab omnibus arrha,

Lib. 4.

Prodo in sexcentis, quos habet illa, procis.

Lib. 5.

Quin mala, quæ fugiat qui vult bonus esse, reuelo.

Lib. 3. qui est
medius inter
duos extremos
quique habet
ipsas diuitias
ad bonum, &
malum usum
indifferentes.

Et bona, quæ faciat qui fugit ista, noto.

Quæque his extremis non sunt confinia metis

In dubia mediæ sede repono loci.

Hæc ut habens habeas velut adiumenta salutis,

Effice ut ancipites sint bonitatis opes.

Poeta fastidit delicias Musarum.

Nomine Sirenum, deceptricumve sororum
Vos ego, Pierides, non sine iure voco.

Quamuis Aonio cantetis carmina plectro,

Deliciosa meo pabula spiritui,

Corporis illa tamen non est in amore iuandi,

Quæ vobis animi sollicitudo mei.

Cum vel utriusque suum non æquè detur habendum,

A vobis neutri ius ego malo dari.

Poeta valedicit Musis.

Quum sine fruge sequar ieiuna castra Camæna,
Et mala, quæ nolim, cogar in hisce pati,

Parnassum, & Chirram pariterque Heliconam relinquam,

Ne me forte necet quo petit ense fames.

Finis libri epigrammatum.